

關中勝蹟圖志

乾州圖

域圖

東北交鄒州界百六十里



東交醴泉縣界三十五里



鎮祿



東交南文縣界十九里

北交鄒州界
百二十五里

西北交鄒州界百四十里

西交扶風縣界六十里

西南交扶風縣界七十五里

里五十九界縣歷藍交南



關中勝蹟圖志卷二十六

兵部侍郎兼都察院右副都御史陝西巡撫畢沅纂

地理

乾州釋名雍大記在長安西北隅故云沿革一統志治在

省城西北百六十里禹貢雍州之域秦置好時縣謹案漢書注孟

康曰時音止神靈之所止也始皇置縣漢屬右扶風謹案漢志好時縣後漢因之

後魏爲扶風郡治又析置漠西縣屬武功郡謹案漢志作莫魏志好

時扶風郡治前漢屬後漢晉罷漠西太和十一後周廢扶

風郡省好時之漠西謹案寰宇記晉元康中再置好時縣周建德三年併入漠西隋開

皇十七年置上宜縣十八年改漠西曰好時大業三年又

省好時入上宜屬京兆郡唐武德二年復置好時縣屬雍

州

謹案唐志云析醴泉置

三年改屬稷州貞觀元年還屬雍州八年

省上宜入岐陽二十一年廢好時又分岐陽置上宜縣尋

改曰好時文明元年又分醴泉好時二縣地置奉天縣天

授二年二縣并屬稷州大足元年還屬雍州乾寧初於奉

天縣置乾州以好時屬焉

謹案長安志唐置好時縣於漢谷東南今奉天西北六里隋太

子莊陵城是寰宇記李茂貞於京兆奉天縣置乾州領縣一

五代因之

謹案寰宇記好時乾寧中割屬

威勝軍後唐天成三年還屬京兆府

宋熙寧五年州廢以奉天縣屬京兆好

時縣屬鳳翔府政和七年復於奉天縣置醴州八年割州

屬環慶路

謹案宋志政和八年以好時隸醴州則好時又復置也寰宇記宋好時卽上宜

金天德

三年復州曰乾州屬京兆府路元至元初并奉天縣入州
五年又并好時縣入州屬奉元路明屬西安府本朝雍正
三年直隸陝西布政使司領縣二曰武功永壽形勝元一
統志九峻諸山控扼東北涇渭二水環帶東南楊通奉天
一覽賦陸陌臨平陽谷屹今後擁甘河武水清渭帶今前
容是宜桑山人獻防危之策嚴京兆樹拓城之功州志九
峻控其東武水環其西北枕梁山南接平壤誠秦地之上
游北門之鎖鑰也州城通志唐建中元年德宗用桑道茂
言詔京兆尹嚴郢城之子城周五里羅城周十里有奇高
二丈二尺後子城圯今城卽羅城也門六

武功縣釋名元和郡縣志案舊縣志有武功山斜谷水亦

曰武功水縣以山水立名沿革一統志在乾州南六十里

古邠國

謹案元和志古有邠國堯封后稷之地周平王東遷以錫秦襄公孝公作四十一縣釐美陽武功其

一也是釐

漢置釐美陽二縣屬右扶風

謹案漢志莽曰新光後漢初

廢釐縣永平八年置武功縣

謹案寰宇記後漢省釐縣自渭南移武功縣於故釐城因

謂之武功城

晉以武功屬始平郡

謹案晉太康地志縣屬始平晉書載記赫連勃勃以北秦

州牧武功

後魏太平眞君七年省入豔厘縣太和十一年於

美陽縣置武功郡

謹案寰宇記太和十一年移置於故釐城中又改武功爲美陽縣仍於此置武

功郡章懷太子後漢書注

後周建德三年郡廢改美陽置

武功縣屬扶風郡

謹案寰宇記後周天和四年美陽還舊理建德三年省武功郡別立武功縣於

中亭川即本郡隋屬京兆郡謹案通典武功隋恭帝義寧元年爲

之唐武德三年於縣置稷州謹案唐志貞觀元年州廢以

武功置稷州大足元年州廢縣屬雍州乾寧二年分屬乾州後

唐同光中屬鳳翔府長興初又屬京兆府宋政和八年改

屬醴州金天德三年屬乾州大定二十九年改曰武亭謹案

金志以避顯宗諱更元復曰武功明不改本朝因之形勝唐柳宗元

武功縣丞廳記古后稷封有藎之地其土疆沃美高厚有

邱陵墳衍之大游靜重修縣廳碑鳳岡西拱武水南傾舊

志平原控其東鳳岡翼其西長川帶其北終南太白揖其

南蓋古形勝之區強武之國也縣城通志唐貞元十五年

關中勝卷二十六 二 關中叢書

建依雍原之麓宋修元末張良弼李思齊增築又循雍原
列十二城以守明洪武九年增築之周三里有奇土築門

四

永壽縣釋名通志後周於永壽原西置永壽縣縣因原而

名也沿革一統志在乾州北九十里漢漆縣地後魏白土

縣地

謹案元和志白土本漢漆縣地姚萇之亂郡縣不立後魏於今縣西陳錫原上置縣屬新平郡西魏

大統十四年置廣壽縣

謹案寰宇記大統十四年於廣壽原上置縣故名

後周大

象元年改曰永壽隋開皇三年省入新平縣

謹案元和志白土開皇四

年改曰新平寰宇記作三年考新平郡後魏置開皇三年罷爲縣是作四年者誤也

唐武德二年復

置

謹案通典作三年與唐書地理志異

屬邠州

謹案唐志永壽神龍元年隸邠州廣德元年來屬邠州舊

唐志作景龍元年來屬

五代因之宋乾德二年

謹案宋志作三年

改屬乾州

熙寧五年仍屬邠州政和八年屬醴州金又屬邠州元至

元五年還屬乾州明不改本朝因之形勝張焜新造城池

記虎嶺峙於右龍峯蟠於左川原繞於前烈山屏於後張

朝綱遊武陵山記五峯縱其東明月峙其西西安府志東

環涇水西接麟遊平原面其南高岡峙其北縣志東接涇

水南抵乾陵西界麟遊北倚古邠山城險固地勢崔嵬縣

城元史地理志至元十五年徙治於麻亭

謹案通志作至正四年者誤

通志明末被寇圯因結寨於虎頭山居之本朝順治丁酉

築寨下南關康熙八年勅建新城西南依舊寨四方岑崱

中央坦夷額曰金盤城周三里高二丈八尺土築門二

名山

梁山在乾州北十里孟子太王去邠踰梁山漢書地理志
好時縣有梁山宮秦始皇起史記秦始皇本紀始皇三十
五年幸梁山宮徐廣注在好時魏書地形志漠西縣有梁
山括地志山在雍州好時縣西北十八里元和郡縣志梁
山高宗乾陵所在通鑑地理通釋山在奉天縣北五里州
志山在正南兩峯並峙直北一峯最高東與九峻比峻
崐山在乾州東北漢書地理志好時縣崐山在東
明月山在乾州西太平寰宇記在好時縣西十五里與扶

風縣分界長安志東嶺上有婁敬廟

石門山在乾州西十里許一名幕谷山胡三省通鑑注幕

谷山在奉天城西北

謹案幕谷卽與漠谷同

太平寰宇記在好時縣

西十五里美川鄉胡三省通鑑注幕谷在奉天城西北

五峯山在乾州東北五十里州志東與梁山相映五峯並

峙多產藥物上有靈湫禱雨多應

豹谷在乾州東北十里

謹案西安府志作十五里

通志唐僖宗靖陵在

其上

已上乾州

東原西原西原在武功縣西卽縣城所附者東原在縣東

唐書地理志武功縣在西原殤帝所葬長安志亦謂之上

武亭川原上武亭川東原至興平西界二十五里上武亭川西原至扶風東界十一里縣志西原一名雍原卽古周原也或曰通東西原皆謂之雍原又有鳳岡卽雍原北岡也

三時原在武功縣西南二十里元和郡縣志原高五十丈西入扶風界縣志一名南原自西而東盡於漆水之西潁北臨雍南距渭在縣境者十餘里

已上武功

高泉山在永壽縣北二十五里元和郡縣志亦曰甘泉太平寰宇記漠谷水源出此金史地理志永壽縣有高泉山通志一名麻亭嶺

溫修山在永壽縣東南八十里太平寰宇記永壽縣有溫修山一名溫秀山縣志一名三陽山發脈於縣北十里之分水嶺連延七十里陡起五峯爲九峻山之祖脈山有寺內有寶泉旱禱輒應俗稱五峯山

武陵山在永壽縣城外通志一名翠屏山

永壽原在縣西北太平寰宇記本名廣壽原避煬帝諱改今名

義豐塹在永壽縣西太平寰宇記唐武德四年遷置永壽

縣於義豐塹上

謹案塹卽阜字已上永壽

大川

附水利

乾州武亭水在乾州西四十里自麟遊界來又南流入武功界通志一名武水一名杜水一名好時水卽中亭川之上流水經注之大橫水也

莫谷水在乾州西謹案明志以爲在州南自永壽縣流入合錦川水

又南入武功縣界水經注莫水出好時縣梁山大嶺東南逕梁山宮西謹案莫俗本水經注作莢非通志謂莫水一名莢水卽承之而訛今所不取太平

寰宇記莫谷水後魏於水西置縣因名莫西長安志水經奉天縣五里州志莫谷水西南流逕州西北四十里地名龍唐口又逕州西南三十里入武功界合渭亦謂之夾道水